

Ataatsimiinnerup ammarneqarnera

(Inatsisartunut sivisunerpaamik ilaasortaasimasut angajullersaat)

Assut nuannaarutigaa Inatsisartunut ilaasortaqaatit 2013-imi Ukiakkut Ataatsimiinnermut matumunnga, qinigaaffimmi matumani ukiakkut ataatsimiinnerit siullersaannut uummammit pisumit tikilluaqqusinnaagakkit.

Ataatsimiinnermi oqaluuserisassat pingaarutillippassuit oqaluuserisussaavagut, neriutigaaralu pitsaasumik inerititaqarfiusumillu suleqatigiinnikkut taakku angusaqarfiulluartumik oqaluuseri-umaarivut.

Naalackersuisut inatsisiliortullu suleqatigiilluarnissaannik kissaateqarlunga taamatutaaq Naalackersuisunut ilaasortat qamanga pisumik tikilluaqqakka.

Sineriassuatsinni isorartoqisumi nunaqqativut tamaasa TV-kkut, radiukkut inatsisartullu nittartagaatigut Inatsisartut ataatsimiinnerannik malinnaasut pinngitsoorusunngilanga aamma tikilluaqqussallugit.

Ilisimatitsissutigissavara Inatsisartunut ilaasortat tamarluinnangajammik ataatsimiinnerup ammarneqarnerani najuummata.

Inatsisartunut ilaasortaq Maliina Abelsen, Inuit Ataqaatigiit, 2016-imi apriliip tungaanut sulinnigifeqarnissaminik qinnuteqarlunilu akuerineqarsimavoq, taamaattumillu sinniisusaaq aggersaanissaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Inuit Ataqaatigiit sinniisusaaq Harald Biancop qinigaasinnaanera akuersissutigisimavaa.

Maliina Abelsenimiut sinniisussatut Harald Biancop Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaa.

Akerliusoqarnerluni.....

Harald Bianco tikilluarit, Inatsisartuni inissannut ingissinnaavutit.

Inatsisartunut ilaasortaq Kaj Lyberth, Siumut, ukioq ataasiugallartoq napparsimanini pissutigalugu sulinnigifeqarpoq, taamaattumillu sinniisusaaq aggersaanissaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Siumup sinniisussaata Ruth Heilmannip qinigaasinnaanera akuersissutigisimavaa.

Kaj Lyberthimut sinniisussatut Ruth Heilmannip Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaa.

Akerliusoqarnerluni.....

Ruth tikilluarit, Inatsisartuni inissannut ingissinnaavutit.

Ilisimatitsissutigisinnaavara Inatsisartut sinnerlugit Ataqqinartorsuaq Dronning Margrethe Aappaat ilaqutaalu, danskit naalakkersuisui, Folketingi, Islandimi Altingi Savalimmiunilu Lagtingi Nunavummilu inatsisartut Inatsisartut ukiuanni nutaami pitsaasumik suleqatigiittuarnissamik kissaateqarlunga inuulluaqqussuteqarfigisimagakkit.

Taamatut oqaaseqarlunga 2013-imi Ukiakkut Ataatsimiinneq ammarneqartutut nalunaarutigaa.